

小明的日記

小明媽媽: 小明，夠鐘起身嘞! 再唔起身就趕唔切返教會咖嘞!

小明: 返教會? 乜今日係星期日咩?

小明媽媽: 係呀! 快啲起身刷牙嘞! 亞爸約咗 Uncle Chan 去飲茶，我哋都坐車過去一齊飲茶。

小明: 唔，又飲茶，我想食麥當勞嘅兒童餐呀! 今日有架車送呀!

小明媽媽: 唔好啦! 亞爸同 Uncle 等緊我哋! 快啲

小明: 既然我哋趕時間，落樓下食麥當勞咪快囉! 不如等我打電話通知亞爸，話佢知我哋唔去，好啦!

小明媽媽: 再講就連返教會都遲到，你快啲去換衫，我打俾亞爸啦!

小明: 好嘢，多謝媽媽，咁我就換衫啦! 今日不如著《怪獸公司》T 恤、牛仔褲同波鞋囉。

小明媽媽: 小明，快啲飲完杯橙汁，出去截架的士返教會啦!

(在教會內)

小明: 爸爸坐係邊度呢?

小明媽媽: 睇吓，前面第五行，嗰個係咪呀?

小明: 係呀! 係呀! 爸爸!

小明爸爸: 小明、老婆，你哋嚟到嘞! 崇拜就快開始，我哋坐低準備吓啦!

(崇拜後)

小明爸爸: 小明、老婆，我今朝約咗 Uncle Chan 一齊食午餐，Uncle Chan 仲建議去食自助餐添!

小明: 好嘢!有得食自助餐，我要食多啲嘢，上次啲壽司、雪糕、沙律同三文治都好
好味呀!

小明媽媽: 啲嘢食當然好味，但唔好食過多，小心肚痛呀!

小明: 得嘞! 晏晝三點半我仲要去 Mr. Milly 屋企學英文，佢今日會講故事俾我哋
聽，仲會幫我同輝仔練習英語會話。

小明爸爸: 咁你要留心，努力學多啲英文、講多啲英文嘞!

小明媽媽: 小明要上英文會話班，爸爸你陪我去買餸啦!

小明爸爸: 無問題，買完餸我仲想去租隻影碟睇㗎!

小明: 我又想睇呀! 日本動畫《千與千尋》都有得租啦!

小明媽媽: 好啦! 今晚早啲食飯，然後一齊睇《千與千尋》，聽日大家要返工、返學，都
唔可以太夜瞓覺。

** 深色的字乃小明受外國文化影響的生活習慣，包括宗教、衣著、飲食、語言、娛樂等。